

**UGOVOR**  
**o realizaciji odobrenih sredstava iz**  
**Budžeta Grada Sarajeva za 2023. godinu**  
*Primjena Odluke o uslovima i postupku prihvatanja pokroviteljstva Grada Sarajeva*

Zaključen u Sarajevu, između:

1. Grad Sarajevo, ul. Hamdije Kreševljakovića br. 3, Sarajevo, koga zastupa gradonačelnica, prof. dr. Benjamina Karić, u daljem tekstu: Grad Sarajevo;
2. UNSA – Fakultet političkih nauka, ul. Skenderija 72, Sarajevo, koje zastupa Turčalo Sead, dekan, u daljem tekstu: Korisnik.

**Član 1.**

Predmet Ugovora je realizacija odobrenih sredstava iz Budžeta Grada Sarajeva za 2023. godinu («Službene novine Kantona Sarajevo», broj 2/23 i 46/23) sa pozicije 614300 Tekući transferi neprofitnim organizacijama: Primjena Odluke o uslovima i postupku prihvatanja pokroviteljstva Grada Sarajeva, u iznosu od 2.900,00 KM (slovima: dvijehiljadedevetstotina KM 00/100).

**Član 2.**

Sredstva planirana u Budžetu Grada Sarajeva za 2023. godinu na poziciji iz člana 1. Ugovora odobrena su po osnovu zahtjeva Korisnika, zaprimljenog na protokol Grada Sarajeva pod brojem: 10-11-7293/23 dana 10.11.2023. godine, za finansijsku podršku u realizaciji Međunarodne konferencije “ZAVNOBIH i AVNOJ 80 godina poslije: historijske refleksije i savremeno razumijevanje”, koja će se održati od 20.11. do 08.12.2023. godine., kao i Odluke o prihvatanju pokroviteljstva broj: 01/10-11-7293-2/23 od 20.11.2023. godine, tačnije za sufinansiranje troškova osvježenja za tri panel diskusije, snošenja troškova smještaja za učesnike/ce koje dolaze van Bosne i Hercegovine, te troškove postavljanja izložbe.

**Član 3.**

Grad Sarajevo se obavezuje da će novčana sredstva iz člana 1. ovog Ugovora doznačiti na račun Korisnika, broj: 141-19653200084-75 kod BBI banke d.d. Sarajevo, sa naznakom, korisnika sredstava UNSA – Fakultet političkih nauka (ID: 4200494560139, budžetska organizacija 3502010, vrsta prihoda: 732115, šifra općine: 077, (svrha uplate: Finansijska podrška u svrhu realizacije Međunarodne konferencije „ZAVNOBIH i AVNOJ 80 godina poslije: historijske refleksije i savremeno razumijevanje”, tačnije za sufinansiranje troškova osvježenja za tri panel diskusije, snošenja troškova smještaja za učesnike/ce koje dolaze van Bosne i Hercegovine, te troškove postavljanja izložbe.).

Realizacija finansijskih obaveza Grada Sarajeva iz člana 1. Ugovora, vršiti će se u skladu sa ostvarenim sredstvima Budžeta Grada Sarajeva.

**Član 4.**

Korisnik se obavezuje da će odobrena sredstva iz člana 1. Ugovora utrošiti namjenski, u skladu sa Odlukom o prihvatanju pokroviteljstva broj: 01/10-11-7293-2/23 od 20.05.2023. godine, i prema zahtjevu iz člana 2. Ugovora.

**Član 5.**

Korisnik se obavezuje da će u roku od 15 (petnaest) dana nakon utroška sredstava iz člana 1. ovog Ugovora gradonačelnici Grada Sarajeva, putem Gradske službe za obrazovanje, kulturu, sport i mlade, koja je zadužena za praćenje realizacije Ugovora dostaviti narativni izvještaj i finansijsku dokumentaciju o namjenskom utrošku sredstava koja su doznačena iz Budžeta Grada Sarajeva za 2023. godinu i to:

- Narativni izvještaj o namjenskom utrošku sredstava;
- Pregled utroška dodijeljenih sredstava sa obrazloženjem;

- Ovjerene kopije faktura od davaoca usluge ili dobavljača;
- Ovjerene kopije računa o izvršenom plaćanju (bankovna uplatnica);
- Izvod banke o izvršenom plaćanju na račun komitenta.

#### Član 6.

Korisnik je saglasan i obavezuje se da će u svim javnim i promotivnim istupima, uključujući društvene mreže i ostale kanale komuniciranja kao i svaki drugi pogodan način, isticati značaj, ulogu i podršku Grada Sarajeva u realizaciji ovog projekta.

#### Član 7.

Grad Sarajevo zadržava pravo da zahtijeva povrat odobrenih sredstava iz člana 1. Ugovora ukoliko utvrdi da Korisnik nije namjenski utrošio ista.

#### Član 8.

Ugovorne strane su saglasne da sve eventualne sporove rješavaju mirnim putem, a u protivnom ugovaraju nadležnost suda u Sarajevu.

#### Član 9.

Na odnose između ugovornih strana koji nisu određeni ovim ugovorom primjenjuju se odredbe Zakona o obligacionim odnosima.

#### Član 10.

Sve eventualne dopune, ili izmjene ovog ugovora moguće su samo sačinjavanjem Anex-a ugovora isključivo u pisanoj formi.

#### Član 11.

Ugovor stupa na snagu danom potpisivanja od strane ovlaštenih lica ugovornih strana.

#### Član 12.

Za realizaciju ovog Ugovora zadužuju se Gradska služba finansija i Gradska služba za obrazovanje, sport, kulturu i mlade.

#### Član 13.

Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

UNSA- FAKULTET  
POLITIČKIH NAUKA

Sead Turčalo

Broj: 0131897-1/23  
Sarajevo, 23.11.2023.



GRAD SARAJEVO  
GRADONAČELNICA

Prof. dr. Beniamina Karić

Broj: 01/10-11-7293-3/23  
Sarajevo, 23.11.2023. godine